



CALANDARI NÓI PA' ACCAPITÀ L'ALGA DI LU 2025

Póni esse sgarrigati e figgjulati illa pàggina didicata di lu sittu, sciaccéti chici infattu:

<https://www.comune.aglientu.ot.it/ente/avvisi/1509>





CIURRATA MUNDIALI DI L'AMBIENTI E DI L'OCEANI.

Arimani v'è statu l'eventu Plastic Free illa spiaggia di Rena Majóri, in occasioni di la ciurrata mundiali di l'ambienti e di l'oceani.

L'alga agattati è palt'e più pultata da li mareggiati com'e li microplastichi.

Si ringraziggja pa' la collaborazioni Laura Crivelli, ingarrigata pa' lu cumuni di l'Aglentu e lu cumuni di L'Aglentu pa' la presènzia istituzionali cu' l'Assessóri a lu Turismu Francisca Addis





CUMUNI PLASTIC FREE 2025

Lu cumuni di L'Aglientu è statu primiatu com'e Cumuni Plastic Free 2025 grazi a li pulittichi ambientali e sustinìbbili trattati da l'amministrazioni comunali.

Si ringrazìggjani pa' la collaborazioni la 'ngarrigata plastic free Laura Crivelli, li scóli, la dirigenti scolastica, li cittadini e li chi vènini a stragnà illu nostru tirritóriu pa' sighì cussì attivamenti l'eventi.

A innommu di lu cumuni l'Assessóri a lu turismu





FESTA DI LU TURISTA

Compri 53 anni la regina di tutti li sagri
Salticcia, càsgiu e vinu bonu illa ciccarédde di tarra
padédde

La dì 10 d'Austu in dumìnica

A cumincià da li 6 di séra (18:00) cun tanti cosi appustati

Anfitrattu Cumunali

Proloco L'Aglientu

Séti tutti invitati!!!





Cumuni di
L'Aglientu

L'Aglientu....

Chi la maia di Pasca di Natali cumència
Ringraziemu la Proloco L'Aglientu pa' lu presépiu
tantu beddu
Abannu ci à una luci in più chi lu faci lucì





Cumuni di
L'Aglientu

LU CINEMA SUTTU A LI STELLI

Da óggji e pa' dugna màlcuri di lu mési d'Aglióla torra lu
cinema suttu a li stelli

A li 10 mancu un qualtu di dinotti (21.45)

In piazza Sclavo

L'Aglientu.

Intrata dibbata

Chici infattu lu bàndiu di li filmi

No manchéti





Cumuni di
L'Aglientu

SCÓLA DI PILATES E YOGA

Ansiani, manni e ciòani, stéddi, manni e minuréddi,
pripparéti li tascapani!

Liétivvi li currii di li calzari!

Sò abbalti l' iscrizioni a la scóla di PILATES E YOGA

Li papéri pa' iscrissi si póni agattà illu sittu, in biblioteca o
ill'ufficiu protocollo

Pa' appustà meddu lu silvìziu tocca chi l'iscrizioni arréini
primma di la dì 30 di CAPIDANNI DI LU 2025





REGIONE AUTONOMA DELLA SARDEGNA
REGIONE AUTONOMA DE S'ARDIGNA
REGIONE AUTONOMA DDU SÀRDIGNA

Plata Innoberale de la Coghia 435 di su 1395 official 9 di 15 di Loggi Regionali 22 di su 2038
Progettu finanziadu dae su Regione Sàrdigna - L. n. 402/1991 art. 15, L. n. 22/2018



LA LINGA DI LI MANNI NÒSTRI SA LIMBA DE SOS MANNOS NOSTROS


Comune di Cagliari


Comune di Campotestudo


Comune di Luras


Comune di Sant'Antioco di Gallura


Comune di Carbonara





“E no éra filmàtu più nisciùnu chi pudìa dì calche cosa.”

-Martin Niemoeller

**CIURRATA DI LA MIMÓRIA
LA DÌ 27 DI GHJINNAGGHJU DI LU 2025**





Cumuni di
L'Aglientu

LA DÌ 19 DI MAGGJU DI LU 2025, IN LUNI

LABORATTÓRIU

Biblioteca Cumunali di L'Aglientu



Liggjimu in gaddurésu
cu' li sculani di la Scóla primaria



Laboratoriu di Gadduresu

abbaltu a tutticanti

LA DÌ **27 DI SANTIGAINI** DI LU 2025 IN LUNI
DA LI **4 E MEZU** A LI **6** DI SIRINTINA
ILLA COMUNITAI ALLOGGJU PA' L'ANZIANI

*"Mimorii di Gaddura: Un suiddatu di parauli e tradizioni chi no aemu di paldì.
Faiddemu di lu nostru tempu passatu."*

Laboratorio di Gallurese

aperto a tutti

LUNEDÌ **27 OTTOBRE** 2025
DALLE **16.30** ALLE **18:00**
PRESSO LA COMUNITÀ ALLOGGIO ANZIANI

*"Memorie di Gallura: Un tesoro di parole e tradizioni che non dobbiamo perdere.
Parliamo del nostro passato."*



Prugjettu "La Linga di limanni nostri – Sa Limba de sos mannos nostros" finanziatu cun la Lèggi 482/1999 e la L.R. 22/2018



Cumuni di
L'Aglientu

LA DÌ 28 D'ABBRILI DI LU 2025, IN LUNI

LABORATTÓRIU

Biblioteca Cumunali di L'Aglientu



Liggjimu in gaddurésu
cu' li sculani di la Scóla primaria



Cumuni di
L'Aglientu

LA FOLZA DI LI SALDI


BONA CIURRATA
DI LA SالدIGNA
A TUTTICANTI





Comune di
Aglientu

Lu contu di L' Aglientu



Pruggjettu “La Linga di li manni nòstri – Sa Limba de sos mannos nostros”

Bandu TuLiS, annualitai 2024

Finanziatu da la legggi nr. 482/1999 e legggi riggjunali nr. 22/20 -



Lu contu di L'Aglientu: un paési nату da una jésgia 🏰

Abbeddu agattamenti chi ci còntani una stória longa.

Tantu tempu fà campàani chici illu tarritòriu mannu di L'Aglientu passoni antichi chi ani lacatu sesti di lu so' passaggju, com'e àimini, chi risàlini a lu Neolìticu anticu.

Dapói, tra lu 1800 e lu 1000 primma di l'era cumuni, frabbichésini li narachi, chissi costruzioni in pétra típichi di la Saldigna, e ancóra chici vi n'érani abbeddu.

Ancóra li Romani passésini da chisti palti. In Vignóla, chi a chiddi tempi si cjamaa "Viniola", àiani fattu una "stazioni stradali" undi li viaggjadóri si pudìani filmà pa' ripusassi o cambià cabaddu.

Ill'etai di mezu, v'érani dui 'iddi, Santu Pétru e Sant'Andria, ma innantu a chisti paési no sapemu abbeddu.

La turra di Vignóla, chi ancóra s'agatta, è l'ùnicu munumentu chi ambara di la duminazioni aragunésa e spagnóla (1421-1714).

La fraichésini 1606, infrà di lu regnu di Filippu II, pa' prutiggi lu tarritòriu da li saraceni.



Com'è nату lu paési

Lu paési di L'Aglientu no è nату com'e alti paesi. La so' stória è un pócu ùnica.

Sai ca so li so' "genitóri" Dui re, Carlo Emanuele III e Vittorio Amedeo III, è nату illu 1776, e la so' esistènzia è liata a la presènzia d'una 'jésgia.

Finz'a chissu momentu, ill'Aglientu li passoni no campàani illi paési, ma spalti in gjiru pa' la campagna in fattorii minóri cjamati "stazzi".

Érani pastóri e massai abbeddu indipendenti, chi campàani sigundu li leggi soi e erani mali a amministrà, campàani, appiù, chena 'jésgì o parrochi, e lu 'èscamu éra preoccupatu chi no ùssiani riciutu un'istruzioni religiósà cunfolmi.

Ancóra lu re éra preoccupatu pa' la violenza e lu contrabbandu chi v'érani chici, e pinsési chi la religioni putia aggjutà e rindì li passoni più pacífichi.

Lu puderu pulíticu e chissu religiosu, dizzidisi, dunca, di aunissi pa' governa meddu lu lócu, frabbichendi 'jésgì e dendi un minimu di silvìziu religiosu e amministrativu.

In tundu a chissi 'jésgì si so fulmati li paési di la bassa Gaddura còm'e Santu Pascali, l'Aglientu e Santu Tiadoru.

No è statu fàccili fraicà chisti 'jésgì, palchì celti passoni no èrani d'accoldu, ma lu re Vittorio Amedeo III éra diccisu, e cussì, tra lu 1774 e lu 1776, ill'Aglientu 'inisi fatta la 'jésgia di "San Francesco d'Assisi".



Li stazzi : un mundu di autosufficienza e autunumia

La ‘ita illi stazzi éra abbeddu diffarenti da chissa chi si facia illi paési.

Li stazzi érani casi pa’ una famiglia chi aiani intundu un pezzu di tarra pa’ lu laóri e lu pàsculu, chi palmittia un'economia autusustentamentu.

L’abitanti, chi putiani esse pastóri-patroni o pastóri seminòmadi, aiani un sensu folti di individualismu e érani economicamenti indipendenti.

Li rappolti tra li passoni no érani regulati da leggi di lu statu, ma da dittàmini no iscritti illócu chi viniani rispittati cu’ attinzioni.

La comunitai e li so’ réguli

Più stazzi accultu tra pari faciàni una “cussoggja”. No aiani attivitai cumunitàrii fatta eccezioni pa’ li "rasgiunanti", gjenti assinnata chi facia da àlbitru pa’ risulvì bréi chi cumiciàani ispissu pa’ muttii di pàsculu e piddàani lu lócu di la magistratura uldinària.

Li passoni s’aunìani illi cussoggji pa’ cosi boni e mali e pa’ attivitai strauldinàrii liati a lu mundu agrìculu-pasturali comu la tunditura e l’aglióla.



Li stazzi : un mundu di autosufficienza e autunumia

Tradizioni e problemi

Chisti passoni sintiani un liamu folti di parintella e di sangu e érani fiéri di lu módu di campà ch'aiani, ancóra siddu chi chistu éra liatu a superstizioni o a custumi palticculari.

Érani "in accoldu" illu punì in discussioni li diritti feudali e cuntistà lu pacamentu di li tassi di lu re, ma érani cunnisciuti ancóra pa' esse passoni ospitali, e calch'e volta, vittimi di l'arrogànzia e di la prepotènza di li banditi e di li cuntrabbandéri.

Diffatti, chistu lócu éra trattatu com'e cuatoggju e com'e lócu di passaggju pa' li banditi, chi si daggjiani a la maccja com'e li cossi e li ribédidi d'altu palti di l'isula, grazi a li buschi manni, li muntagni e la ustéra irricca di cali e istintini.

Li camini érani pochi e mali, invece lu mari éra un passaggju più bonu, ancóra siddu chi illegali, pa' lu cummèlcio di contrabbandu cu' la Còssica.



Lu paési smanna intundu a la 'jésgia

Grazi a chista 'jésgia minóri, li passoni cuminciàani a aunissi (vidissi). A lu cumènciu sólu pa'li funzioni religiósi, ma dapói ancóra pa' fà incontri e scambiassi cosi, un pocu com'e un malcatu mióori. La 'jésgia éra un puntu di riferimentu, posta accultu a una funtana d'ea in mezu a li cussoggi più manni. ólu calch'e cucina pa' l'abbói di la comunitai e calch'e baracca. Ma pianu pianu, intundu a lu 1850, cumincésini a cumparí li primmi casi inóri in muratura.

La dì 9 d'aglióla di lu 1856 la 'jésgia di San Francesco d'Assisi divintési ufficialmente una parroccja.

Illa sigunda mitai di l'Ottucentu, lu paési criscisi a pianu a pianu. Si cjamaa Santu Franciscu di L'Aglientu. Vérani bruttéi, un mulinu, casi e altisgiani com'e calzulai e frailaggji. Ancóra siddu chi lu criscimentu éra lentu, lu paési cumincési a aé silvìzii impultanti com'e lu duttóri e li scóli.

Chissa 'jisgitta di campagna antica, abali no existi più: ni l'ani lampata illu 1960 pa' fanni una nóa.



Nonnu Prèti e la 'jésgia nóa

Un préti abbeddu amatu e vulutu be', cjamatu cu' affettu "Nonnu Prèti" (Don Giovanni Andrea Canu), à silvutu la parroccja pa' 40 anni (da lu 1912 a lu 1952) e à vistu lu paési criscì e cambià. Éra un omu bonu e gentili, chi facia 'ìsita a li pastóri a cabaddu.

Dapói di iddu, arriési Don Natalino Leoni, chi illu 1960 cumincési li trabaddi pa' la 'jésgia nóa. È statu iddu a pultà la primma televisioni in paési! Li stéd di putiani 'idì li cartoni animati e li programmi com'e "La TV dei Ragazzi". Cumprìsini di fà la 'jésgia nóa illu 1963. Óggji è unu stàbbili modelnu e funzionali, cun ópari d'alti d'altisti com'e Liliana Cano e Giuseppe Silecchia. La facciata e lu campanili so di lu 1972, fatti in granitu bugnatu. Indrentu agattemu una fontì pa' li battìsgimi originali in lignu e ceràmica. Illi muri di drentu appiccati vidimu una Via Crucis in ceràmica, ópara di lu scultóri Giuseppe Silecchia. Lu mattessi altista à fattu ancóra li leggi di la trona e una scultura chi s'agatta illu muru di fóra in fiancu a la facciata, chi raffiguriggja Santu Franciscu cun tutt'intundu li sìmbuli franciscani.

La 'jésgia d'abali è stata fatta tra lu 1960 e lu 1964 cun prugjettu di Giovanni Andrea Cannas. È stata fraicata innantu a lu mattessi lócu undi v'era la 'jésgia 'eccja, ma cu' un orientamentu diffarenti. Dapói stési cjsa a lu pùbblicu la dì 1 di ginnaggju di lu 1973 palchì la cupaltura éra piriculósa e è stata turrata a fà da l'ingegéri Martino Pasella e turrata a abbrì illu mési d'abbrili di lu 1976. Illu 1964 didicchésini un alàriu nóu in granitu, dunatu da la famiglia Battoni-Orecchioni. Stési lu primm'altàriu di la Diócesi di Tèmpiu-Ampùrias a esse "vel di lu pòpulu" sighendi l'indicazioni di lu Conciliu Ecumènicu Vaticanu II. Da lu 1968, lu paési à unu nommu più cultu: no si cjama più Santu Franciscu di L'Aglientu, ma simplicimenti Aglientu (in gaddurésu, cu' l'altìculu: L'Aglientu).



La Biblioteca Cumunali di L'Aglientu auguriggja

Bona Pasca d'Abbrili a tuttianti!



LA LINGA DI LI MANNI NÒSTRI
SA LIMBA DE SOS MANNOS NOSTROS





Cumuni di
L'Aglientu



Lu Sìndacu Marco Demuro
insembi
a l'amministrazioni comunali di L'Aglientu,
auguriggja

Bona Pasca d'Abbrili a

tutticanti!



*Lu Sîndacu, Malcu Demuro
e l'amministràzioni cumunali di L'Aglièntu,
augurìgghjani a tutti una **Bona Pasca di Natali**
e un Bon Cumènciu d'Annu Nòu*

*Il Sindaco Marco Demuro
e l'amministrazione comunale di Aglientu,
augurano a tutti un **Sereno Natale**
e buoni principi per il nuovo anno*





ARIMANI ILL'AUDITORIUM CUMUNALI

Lu Sìndacu à datu una pergamena pa' dà la benvinuta com'e signali a tutti li nati nòi e cumpruà la 'ntrata a fà palti di la cumunitai Aglientésa.



Progetto finanziato dalla Legge 482 di 15/10/1999, articolo 9 e 15 e Legge Regionale 12 di 10/2008
Progetto finanziato dalla Legge Regionale Sardinia - Legge 482/1999, articoli 9 e 15 L.R. 22/2003

REGIONE AUTONOMA DI LA SARDEGNA
REGIONE AUTONOMA DELLA SARDEGNA

ISTITUTO CHIRCAS

LA LINGA DI LI MANNI NÒSTRI SA LIMBA DE SOS MANNOS NOSTROS

Comune di Agliente
Comune di Langarotto
Comune di Luris
Comune di Pula
Comune di Sant'Antioco di Gallura
Comune di Colognara